

## SCRIPT OF MORNING GOJRI NEWS BULLETIN 28APR 2026 1015HRS

مارنگ گوجری نیوز بولٹن 28 اپریل 2026

\*\*\*\*\*

یوہ آکاشوانی جموں ہے ، محمد اکرم تیں خبر سُنو۔

\*\*\*\*\*

### LG INDOOR STADIUMS

لیفٹیننٹ گورنر منوج سنہا نے کل مڑھ مانہہ جدید ترین بابا جتو انڈور سٹیڈیم تے جوڑیاں اکھنور مانہہ انڈور کھیڈ میدان غو افتتاح کیو۔ کھیڈاں غی سہولیات نانہہ نوجواناں واسطے وقف کرتا واں لیفٹیننٹ گورنر نے کہیو کہ جدید شوٹنگ رینج تے کئی صفات نال لیس اندونی کورنس انڈور سٹیڈیم بہترین کارکردگی غی حوصلہ افزائی تے کل گا جیتن آلاں نانہہ فروغ دین واسطے بناویو گیو ہے۔ لیفٹیننٹ گورنر نے اس گل ور لو کہلی کہ وزیر اعظم نریندر مودی غی قیادت مانہہ جموں کشمیر کھیڈاں مانہہ توانائی گا مرکز گا طور ور ابھر رہیو ہے۔ جت عالمی معیار غی سہولیت ہون بڑا شہراں توڑی محدود نی ہیں۔ بلکہ تھلے غی سطح توڑی پُج گئی ہیں۔ اس موقع ور جناب ایل جی نے مجازی طور ور مڑھ تے اکھنور گا نوجواناں نال گل بات وی کی۔

\*\*\*\*\*

### CM NCEITEET

وزیر اعلیٰ عمر عبداللہ نے کل سرکاری کالج برائے انجنئرینگ تے تحکیم مانہہ ابھرتاوا تے اختراعی رجحانات ور 11 ویں قومی کانفرنس تے نمائش غو افتتاح کیو۔ اس دوران نوجواناں مانہہ اختراع ور مبنی ترقی نانہہ فروغ دیتا واں ثقافتی ورثہ غے نال تکنیکی ترقی نانہہ ہم آہنگ کرن غی ضرورت ور زور دتو گیو۔ دو روزہ تقریب گو انعقاد جی۔سی۔ایٹی جموں تے تحکیم بارے بھارتی ادارہ کھڑکپور عالمی یونیورسٹی غی جماعت گا تعاون نال کیو ہے۔ کانفرنس گا موضوع ور لو کہلتاں واں وزیر اعلیٰ نے اس نانہہ متعلقہ اور فکر انگیز قرار دتو۔

\*\*\*\*\*

### CM ARMY OFFICERS

کور غا لیفٹیننٹ جنرل پرشانت شریوٹسا جنرل آفیسر کمانڈنگ تے لیفٹیننٹ جنرل بلییر سنگھ نے 15 کل وزیر اعلیٰ عمر عبداللہ نال ملاقات کی۔ ملاقات غے دوران انہاں نے خطہ مانہہ حفاظتی منظر نامہ تے ترقیاتی ترجیحات غے نال نال باہمی دلچسپی گا امور ور گل بات کی۔ اس تیں علاوہ صحت مرکز پارس لمٹیڈ غا ایک وفد نے وی وزیر اعلیٰ نال ملاقات کی تے انہاں نانہہ صحت غی دیکھ بھال تیں متعلق بکھ بکھ امور تیں آگاہ کیو۔

\*\*\*\*\*

### DAR VETERINARIANS

جموں کشمیر مانہہ مال چوکھر بارے ڈاکٹراں غی تنظیم جموں نے کل کنونشن مرکز جموں مانہہ ایک روزہ تکنیکی کانفرنس غو انعقاد کیو۔ جس غو موضوع ویٹرن گارڈی آف فوڈ اینڈ ہیلتھ تھو۔ اس موقع ور وزیر ذراعت جاوید احمد ڈار نے بطور مہمان خصوصی شرکت کی اجتماع نال خطاب کرتا واں وزیر نے جانوراں تے صحت عامہ گا تحفظ مانہہ مال چوکھر گا ڈاکٹراں غی کردار غی تعریف کی انہاں نے اس گل ور لو کہلی کہ مال چوکھر گا ڈاکٹر بکھ بکھ طرح غی اہم خدمات انجام دین تانجے مال چوکھر غی فلاح و بہبود تے خوراک غی حفاظت نانہہ یقینی بناویو جاسکے۔ وزیر نے کہیو کہ صحت مند تے پیداواری آلو مال چوکھر کساناں غی آمدنی بدھان مانہہ اہم کردار ادا کرے۔

\*\*\*\*\*

### MEHRAJ PSA QUASHED

ایک اہم فیصلہ مانہہ جموں کشمیر تے لداخ غی عدالت عالیہ نے کل پبلک سیفٹی ایکٹ غے تحت عام آدمی پارٹی گا ممبر قانون ساز اسمبلی مہراج دین ملک غی حفاظتی نظر بندی نانہہ منسوخ کردتو ہے۔ تے کہیو ہے کہ محض سرکاری اہلکاراں نانہہ پریشان کرنو احتیاطی حراستی قوانین کی درخواست غو جواز نی بن سکتو۔ آنر ایبل جسٹس محمد یوسف وانی نے جسکس کارپس غی عرضی نانہہ منظوری دیتا واں مشاہدو کیو کہ اگرچہ نظر بند ور الزام ہے کہ وہ

سرکاری حُکام نانہہ اپنا کم گا فرائض غی انجام دہی مانہہ زکاوٹ پارہیو ہے پر ایسو کوئی مواد  
نی ہے جس نے کسے عوامی بدامنی یا انتشار غی نشاندہی وے، جہڑا معاشرہ نانہہ بڑا پیمانہ  
ور متاثر کرتی وے۔

\*\*\*\*\*

## PROG ANN

آکاشوانی جموں غو علاقائی خبراں آلو شعبو 29 اپریل 2026 نانہہ تہاڑی غا 12 بجے غے 30 منٹ  
ور، پی ایم سوریا گھر مفت بجلی یوجنا ور 30 منٹاں غو ایک خصوصی مباحثہ ور پروگرام نشر  
کرے غو اس خصوصی نشریات غو موضوع وے غو، سورج غی گرمی نانہہ بچت مانہہ بدلنو،  
تے صاف توانائی سنگ، کہراں نانہہ روشن کرنو اس پروگرام مانہہ مہارا مہمان جناب سنجیو  
روہمیترہ، ایگزیکٹوو انجنئیر جموں، بجلی ترسیل کارپوریشن لمٹیڈ تے پی ایم، ایس جی ایم بی وائی غا  
نوڈل افسر اس موضوع ور اپنی بصیرت تے ماہرانہ رائے پیش کریں گا۔ پروگرام غی میزبانی  
مہارا اینکر وجے بجاج کریں گا۔

\*\*\*\*\*

## NASHA NIGRANI SAMITIS

ضلع مجسٹریٹ جموں ڈاکٹر راکیش منہاس نے ضلع جموں غی تمام دیہاتاں تے وارڈاں مانہہ گرائیں  
تے وارڈ سطح غی نشہ نگرانی کمیٹیاں نانہہ تشکیل دین غو حُکم دتو ہے۔ یوہ قدم لیفتینٹ گورنر  
غی 100 روزہ منشیات مہم گو حصو ہے۔ یہ کمیٹی ذمہ دار باشندہ ور مشتمل وین غی جہڑی  
برادری نانہہ نال لے گے چلن آلی تے نگرانی تے ریفورل باڈیز غا طور ور کم کریں غی تے یوہ  
پتو لان نگرانی حوالہ تے خاندانی تعاون روک تھام تے اگاہی تے ہفتہ وار رپوٹنگ گو کم کریں  
غی۔

\*\*\*\*\*